

Kivunjo - Wukyiro Shireio - Salvation Scriptures

WaEfeso 2:2 Ngyuunyamarì muletsiwuta kacha kui iosha mchilyi ang'anyi o warufui wa ngyinenyi, mrfui ulya o Satana aiundi marunda wulalu kyirì kya walya waiwingana na Ruwa;

Matayo 6:10 Wumangyi wopfo wuche, kyindo ukundi kyirundikye, iha wuyanenyi cha kulya ruwewu.

Luka 22:42 echigamba, "Hoi Awu, kokooya nyi wuro ukundi ungyiwute kyiroo-kyi. Indi chi chandu ngakunda inyi-pfo, kyaindi kyilya ukundi kyiutikye."

Yohane 16:7-9 Kyaindi inyi ngammbia shii loi; mochiwona kyiira inyi ngayenda; cha kyipfa inyi ngyilandyende, Mtarami-cho echicha na konyu-pfo; indi inyi ngayenda, ngyechimrika konyu. 8 Na oe kamcha nechilora wandu wa wuyana kye wekyereko kyiyeri wekyegamba kye waichi mbonyi tsa wunyamarì. Kye waichi kyaha kyikyeri kya sungusinyi na kye waichi mbonyi tsa ianduyo nyi Ruwa. 9 Oe nechilora wandu wa wuyana kye wawore wunyamarì, kyipfa walengyiirikya inyi-pfo.

2 Timoteo 2:10 Kyipfa kya ikoy ngyikarishia mbonyi tsoose, kyipfa kya wasambure, kundu nawo waambilyie wukyiro wulya wukyeri kyirì kya Kristo Yesu, hamwi na mng'ano o mlungana.

WaRoma 15:20,21 Na wuro-se ngechitambagana ionguo Ndumi Ngyicha, ngyilaonguo handu rina lya Kristo lyammarise igambo, ngyilachewika numba wuye ya mndu ungyi. 21 Indi chandu kyikyireie, "Walya walandeongoyo mbonyi tsakye wechiwona, na walya walandeicho wechimanya."

Mawuto 2:36,37 "Kyasia wandu woose wa Israelyi wamanye na pata kye Ruwa naleenenga Yesu-cho walemkapia msalabenyi wuirimi wo iwa Mndumii na Kristo." 37 Kyiyeri wandu walya waleicho mbonyi-tso, wakairewe mrimenyi kowo, wakawia Petiro na wanalo sho walya wengyi, "Luwute-kyi, wana wa wama waru?"

WaEbrania 4:2 Kyipfa nyi loi, maa soe taa luleongoyo mbonyi ngyicha chawo. Kyaindi mbonyi-tso wandu waleicho tsilewatarama kyindo-pfo kyipfa tsileruana na iiřikyia lya mrimenyi ko walya waleicho-pfo.

Yeremia 24:7 - Matayo 22:37 Yesu kammbia, "Kunda Mndumii Ruwa opfo kui ngoo yapfo yoose, na kui mrima opfo oose, na kui wuřango wopfo woose.

Mawuto 16:14 Mndu mka umwi ekyelago Lyidia, ekyekumba rangyi ya kyimaande-maande, mndu awukyie Tiatira, aowuye na ikunda Ruwa, kaluařanyia, ulya Mndumii alemwenenga imanya mrimenyi kokye, naambilyie na iiřikyia malosho ga Paulo.

Matayo 13:14-16 Na řero lya moonguo shisuku Yesaya lyaafukyia kowo, lyechigamba, 'lico mochiicho, maa mochimanya-pfo, iambuo mochiambuo, maa mochiwona-pfo. 15 Kyipfa mrima ya wandu-wa yawa ngyiumu, na kui marwi gawo wekyeicho necha-pfo, na washingyie meso gawo; walachewona

kui meso gawo, walaicho kui marwi gawo, wakamanya kui mrima yawo, wakangyigalukyia, ngawakyira.' " 16 "Kyaindi, agusu meso ganyu, cha kyipfa gawonyi; na marwi ganyu, cha kyipfa gaiicho.

Yesaya 6:9,10 - Mawuto 28:27 Cha kyipfa mrima ya wandu-wa irumai, na marwi gawo nyi gamalemeri iicho, na washingye meso gawo; walacheicho kui marwi gawo. Na imanya kui mrima yawo, na iilacha makusaro gawo, ngawakyira.' "

Mariko 4:11,12 Kawawia, "Nyoe muwaenengye imanya kyirika kya Wumangyi wo Ruwa, indi ko walya wai nja ya Wumangyi-wo shoose shekyerundika kui mfano, 12 'Kundu wakaambuya waambuye walawone; na wakaaranyia waicho, walamanye; walachengiyiwilyia, na ihoorio.' "

Yohane 12:39,40 Nyikyo kyitewe wo walaleirima iirikyia; cha kyipfa Yesaya nalegamba-se, 40 "Nalewagaluo shipupfure, mrima yawo kaiumira; kundu meso gawo galawone, na mroe yawo ilamanye; wakangyigalukyia, ngawakyira."

WaRoma 11:7,8 Kyasia kyawa kura-ng'u? Kyindo kyilya Israelyi aweikyipfula alekyiwona-pfo, indi walya walesamburo walekyiwona, na wengyi waleming'a. 8 Chandu kyiwekyireie, Ruwa nalewaenenga mrima mlemeri, mrasa maa marwi galaicho, mrasa inu.

2 WaTesonikye 2:10,11 Na wulembinyi woose wo wunyamarì ko iwo wai'reka; cha kyipfa waleirikyia ikunda loi iya wai'reme ikyiro-pfo. 11 Koikyo Ruwa naiwaendie pfinya ya ireka, wai'rikyie wongo;

Matayo 13:18-23 "Kyasia nyoe aranyienyi mfano o moolyia mbeu. 19 Orio mndu kaicho reo lya Wumangyi wo ruwewu alalyimanye, mmbicho ulya nekyecha, karakuo kyilya kyikyirongye mrimenyi kokye. Iyi nyiyo mbeu iya ingyirongye mbai ya njia. 20 Na mbeu iya ingyirongye irarenyi, nyi mndu ulya ekyeicho reo lyilya, kalyiambilyia cha ilyi na sia. 21 Kyaindi lyekyewara mri mrimenyi kokye-pfo, na lyekyekaa kyiyeri kyifushi. Kukocha wukyiwa ang'u matuuro kyipfa kya reo-lyo, cha ilyi, lyekyekaa kokye-pfo. 22 Na iya ingyirongye mshenyi, icho nyi mndu ekyeicho reo lyilya; na mawino ga wuyana, na wulembi wo masaa wokyeilama reo lyilya; lyilaware ndunda. 23 Na iya ingyirongye terinyi ngyicha, icho nyi oe ekyeicho reo lyilya, na ilyimanya. Ichon yi oe ekyekumbia ndunda, ichu igana, na ichu makumi garandaaru, na ichu makumi garaaru."

2 WaKorinto 3:15,16 Indi mrasa inu, kyiyeri uwawaso lo Mose lokyesomo, kyindo-kyo kyekyerio mrimenyi kowo. 16l ndi kyiyeri kyoose wechigalukyia Mndumii, kyindo kyilya kyeshikyia kyaam kyewuto ho.

Hosea 11:3-7 - Matayo 11:28-30 Nnjonyi na koko, nyoe moose muiwina na muwalemie nyi mario, na inyi ngyechimuonyonyisha. 29 Warilyienyi irunda-lyi ngyimrambika, mukuloshe koko; kyipfa inyi ngyimhoo na muindi mrimenyi; na nyoe mochiwara uforo mrimenyi konyu. 30 Cha kyipfa kyilya ngyimmbia kyikyicha konyu, na rio ngyimrika lyiliyangu."

Mawuto 26:18 Uwapfunguoe meso, na iwawerutsa wa're meema na iyenda saenyi, wa're pfinya tsa Satana na iyenda ko Ruwa; naaho-ng'u Ruwa nawahoorie ngyuunyamarì tsawo na wechikaa halya-ndu walya Ruwa

awailyishie wechikaa kui ingyiřikyia inyi.' ”

2 Timoteo 2:24-26 Lyingyi-se kyiwarı m̄undi o Mndumii iwa mndu moluyana-pfo; indi iwa muoloru ko wandu woose, eirima ilosha, aichi ikarishia; 25 echiikyimbia kui wuoloru iwo waiwingana na oe, kundu kokooya kyairimika, Ruwa nawaenengye irumbuya wunyamari na imanya wuloi wo Ndumi Ngyicha. 26 Wairime-se iwiyirio makusaro mecha, na ikuashuo m̄egonyi o Mokyiriinzi, walya walerego nyi Mokyiriinzi, m̄asa iwuta shilya akundi.

Ulogo lo Yohane 3:17-19 Cha kyipfa nuigamba, inyi nyi mnjama, ngiwoře wunjama, maa ngiurie kyindo kyoose-pfo; na iyoë uichi kye iyoë nyi mndu mfafa, na moilacha-ilacha makusaro, na mkyiwa, na kyipfupfure, na mndu ukyeri kyiranguoe-pfo. 18 Ngyikuwia kyindo kya wuřango, uwure koko sahaphu ingyisanje kui mořo, uiřime iwa mnjama; na nguwo ngiiliyi uiřime iraa, sonu ya kyiranguoe kyapfo ilawono; na mři o meso oshia meso gapfo, uiřime iwona. 19 Woose ngiyiwakundi ngyekyewaroroma na iwatorisha. Kyasia wařa wuragari, urumbuye wunyamari.

2 WaKorinto 7:10 Iwona fowa lyikyeri kui mbare ya Ruwa lyekyeende irumbuya wunyamari wokyeende wukyiro wulawoře isumkyia indi fowa ya wuyana yekyeende upfu.

1 WaMangyi 18:37 - Ruwa turned heart back to Ruwa.

2 WaKorinto 4:4 wakyeri kye kyirri kyawo ruwa o wuyana-wu naleshingyia makusaro ga iwo walairikyie, walachekooyo nyi ngyela ya Ndumi Ngyicha ya mng'ano okye Kristo akyeri fana ya Ruwa.

Luka 8:11-15 Na mfano-cho kytambuluo kyacho nyi ikyi, mbeu nyi Řero lya Ruwa. 12 Walya wa kufuhi na njia nyi walya wekyeicho, numa Satana nekyecha karakuo Řero lyilya lya Ruwa mrimenyi kowo, walacheirikyia na ikyia. 13 Na walya wa irarenyi nyi walya wekyeicho na iambilyia Řero-lyo lya Ruwa kui sia; nawo wawoře mri-pfo. Wekyeirikyia kyiyeri kyifushi, na kyiyeri kya iyesho wekyewuya na numa. 14 Na tsileoloka mshenyi, nyi walya waleicho na kyirri kya iyenda wakailamo nyi wulembi wo masaa, na ichihiyo lya wuyana, walakumbie ndunda ngyicha. 15 Na tsilya tsa terinyi ngyicha nyi walya wekyeicho na iambilyia Řero lyilya lya Ruwa mrimenyi kowo na kui iindia wekyelyiaranya na ilyiwařa, numa wekyekumbia ndunda wechikarishia.”

Mawuto 15:11 Indi luiřikyie kye lochikyia kui isaria lya Mndumii Yesu cha wo.”

WaRoma 8:13 Kyipfa kokooya mokaa na moo kui iosha mbonyi tsa mmbiu, mukundi ipfa; indi kokooya mowaaga mawuto ga mmbiu kui Mumuyo, mokaa na moo.